

ЎЗБЕКИСТОН – МЎЎУЛИСТОН: ДЎСТЛИК ВА КЎП ҚИРРАЛИ ҲАМКОРЛИК МУНОСАБАТЛАРИ ЯНГИ БОСҚИЧГА КЎТАРИЛМОҚДА

Ўзбекистон Республикаси Президенти Шавкат Мирзиёев Мўғулистон Президентини Ухнаагийн Хурэлсухнинг таклифига биноан 24 июнь куни рафиқаси билан бирга давлат таширифи билан ушбу мамлакатга келди.



Давлатимиз раҳбарини Мўғулистон ташқи ишлар вазири Батмунх Батцэцэг ва бошқа расмий шахслар кутиб олди.

Икки мамлакат байроқлари билан безатилган “Буянт-Ухаа” аэропортида олий мартабали меҳмонлар шарафига фахрий қоровул саф тортди.

Бу ташириф мазмун-моҳиятига кўра тарихий воқеа, десак, муболага бўлмайди. Нега деганда, икки мамлакат ўртасидаги дипломатик муносабатлар ўрнатилган ўттиз йилдан ортиқ вақт давомида биринчи марта Ўзбекистон раҳбари Улан-Баторга давлат таширифи билан бормоқда.

Шу маънода айтиш мумкинки, ушбу ташириф ўтган йилнинг июнь ойида Мўғулистон Президенти Ухнаагийн Хурэлсухнинг Ўзбекистонга таширифи чоғида бошланган фаол сиёсий мулоқотнинг мантиқий давомидир.

Ўзбекистон ва Мўғулистон географик жиҳатдан узоқ жойлашган ва умумий чегараларга эга бўлмаса-да, ўзаро алоқалар дипломатия, иқтисодиёт, транспорт, маданият ва гуманитар соҳаларда жадал ривожланмоқда. Хусусан, Тошкентда Мўғулистон элчихонасининг очилиши, ҳукуматлараро ва парламентлараро мулоқотнинг фаоллашгани, 14 та икки томонлама битимнинг имзоланиши ўзаро ишонч ва шериклиكنи чуқурлаштириш истиги кучайганидан далолат беради.

Шавкат Мирзиёевнинг Улан-Баторга давлат таширифи Ўзбекистон — Мўғулистон муносабатларида янги босқични бошлаб беради.

Бунда прагматизм, ўзаро манфаатдорлик, барқарор ривожланиш ва замонавий муаммоларга ҳамжиҳатлик билан ёндашиш асосий йўналишлар бўлиб турган Ўзбекистон Республикаси Президенти Шавкат Мирзиёевни расмий кутиб олиш маросими бўлди.

Давлатимиз раҳбари ва рафиқасини Мўғулистон Президенти Ухнаагийн Хурэлсух рафиқаси билан кутиб олди.

Сухэ-Ботир майдонида олий мартабали меҳмон шарафига фахрий қоровул саф тортди.

Ҳарбий оркестр ижросида икки давлат мадҳиялари янгради.

Президентлар фахрий қоровул сафи олди-дан ўтиб, расмий делегациялар аъзоларини қутлади.

Маросимдан сўнг Ўзбекистон Президенти Мўғулистон Давлат саройидаги Фахрий меҳмонлар китобида қайд ёзиб қолдирди.

Мўғулистон Давлат саройида Ўзбекистон Республикаси Президенти Шавкат Мирзиёев ва Мўғулистон Президенти Ухнаагийн Хурэлсухнинг тор доирадаги ва расмий делегациялар иштирокидаги музокаралари бўлиб ўтди.

Учрашув аввалида давлатимиз раҳбари Мўғулистон етакчисига самимий қабул ҳамда ушбу мамлакатга жавоб давлат таширифи билан келиш таклифи учун миннатдорлик билдирди.

Икки томонлама муносабатлар тарихида биринчиси бўлган ушбу ташириф кўп қиррали Ўзбекистон — Мўғулистон алоқаларини ривожлантиришда янги босқични бошлаб бериши алоҳида таъкидланди. Ўзбекистон Президенти Мўғулистон томонини яқинлашиб келатган Халқ инқилоби куни билан ҳам табриклади.

Ўзбекистон — Мўғулистон дўстлик ва кўп қиррали ҳамкорлик муносабатларини янада ривожлантиришнинг долзарб масалалари кўриб чиқилди.

Барча даражадаги алоқалар ва алмашинувлар фаоллашди. Товар айирбошлаш кўрсаткичлари жадал ўсиб бормоқда. Қўшма корхоналар сони кўпаймоқда, соғлиқни сақлаш, таълим, электрон савдо, қишлоқ хўжалиги, қурилиш материаллари ишлаб чиқариш соҳаларида илк кооперация лойиҳаларини амалга ошириш бошланди.

Куни кеча икки мамлакат ишбилармон доиралари ва идоралари вакиллари иштирокида қўшма бизнес форуми муваффақиятли ўтказилди. Улан-Батор шаҳрида Ўзбекистон маҳсулотларининг шуорумига эга савдо уйи очилди.

Музокараларда иқтисодий кооперацияни чуқурлаштиришга алоҳида эътибор қаратилди.

Яқин йилларда ўзаро савдони, энг аввало, талаб юқори бўлган маҳсулотлар номенклатураси ва ҳажмини ошириш ҳисобига қарсига кўпайтириш учун салмоқли салоҳият мавжудлиги қайд этилди.

Шу мақсадда имтиёзли савдо ва инвестицияларни ҳимоя қилиш тўғрисидаги битимлиги таъкидланди.

Давлатимиз раҳбари иқтисодиётнинг муайян тармоқларида саноат кооперациясини чуқурлаштириш муҳимлигини таъкидлади. Ҳамкорлиқнинг қатор истиқболли йўналишлари устувор этиб белгилаб олинди.

Бу, аввало, тоғ-кон соҳасидаги шериклик, жумладан, геология-қидирув дастурини ишлаб чиқиш, хомашё ресурслари конларини ўзлаштириш, технологиялар трансфери, тажриба алмашиш ва кадрлар тайёрлаш соҳалари.

Шу маънода, соҳадаги лойиҳаларини илгари суриш мақсадида Улан-Батор шаҳрида Ўзбекистон геология вазири рафиқаси билан икки томонлама муносабатларини янада ривожлантиришнинг долзарб масалалари кўриб чиқилди.

Қўшма кластерлар ташкил этиш, гўшт-сут, жун ва чарм маҳсулотларини қайта ишлаш ҳамда ишлаб чиқариш бўйича кооперация лойиҳаларини илгари суриш асосида қишлоқ хўжалигида комплекс ҳамкорлиқни чуқурлаштиришдан манфаатдорлик билдирди.

Транспорт жиҳатидан ўзаро боғлиқлиқни мустаҳкамлаш ва янги логистика йўналишларини ривожлантириш масалаларига алоҳида эътибор қаратилди. Йил якунига қадар пойтахтлар ўртасида тўғридан тўғри авиақатновларни йўлга қўйиш режалаштирилган.

Денгизга чиқиш имконияти бўлмаган мамлакатлар учун халқаро таҳлил институти билан биргаликда энг қисқа ва самарали транспорт йўлакларини аниқлаш бўйича амалий тадқиқотлар ўтказиш таклифи билдирилди.

Фаол маданий-гуманитар алмашинувларини давом эттириш муҳимлиги қайд этилди. Шу кунларда Улан-Батор шаҳрида Ўзбекистон маданияти кунлари, санъат ва туризм тадбирлари ўтказилган мамнуният билан қайд этилди.

Олий таълим муассасалари ўртасидаги ҳамкорлиқни фаол ривожлантириш, ажратилган квоталар доирасида мўғул ёшларининг Ўзбекистондаги олий таълим муассасаларида таълим олишини қайта тиклашга келишиб олинди.

Эришилган келишувларни ўз вақтида ва сифатли амалга ошириш бўйича “йўл харитаси”ни қабул қилиш юзасидан аҳдлашилди.

Улан-Батор шаҳрида ўтган олий даражадаги музокаралар якунида Ўзбекистон Республикаси Президенти Шавкат Мирзиёев ва Мўғулистон Президенти Ухнаагийн Хурэлсух Кенг қамровли шериклик муносабатларини ўрнатиш тўғрисидаги қўшма декларацияни имзоладилар.

Шунингдек, Президентлар ҳузурида қуйдаги ҳужжатлар имзоланди:

- Ўсимликлар карантини ва ҳимояси, олий таълим, тоғ-кон саноати, атроф-муҳитни муҳофаза қилиш, жиноятчиликнинг олдини олиш ва унга қарши курашиш, соғлиқни сақлаш ва тиббиёт фани, жисмоний тарбия ва спорт соҳаларида ҳамкорлик тўғрисидаги битимлар;
- икки мамлакат архив идоралари ўртасидаги ҳамкорлик тўғрисида баённома;

— Ўзбекистон Республикаси Инвестициялар, саноат ва савдо вазири билан Мўғулистон Иқтисодиёт ва тараққиёт вазири ўртасида, ташқи ишлар вазири билан Ўзбекистон Республикаси Маданият, спорт, туризм ва ёшлар вазири ўртасида 2025-2028 йилларга мўлжалланган ҳамкорлик дастурлари;

— Ўзбекистон Республикаси Қишлоқ хўжалиги вазири билан Мўғулистон Озиқ-овқат, қишлоқ хўжалиги ва енгил саноат вазири ўртасида қишлоқ хўжалиги соҳасидаги ҳамкорлиқни кенгайтириш бўйича ҳамкорлик режаси;

— Ўзбекистон Республикаси Экология, атроф-муҳитни муҳофаза қилиш ва иқлим ўзгариши вазири билан Мўғулистон Маданият, спорт, туризм ва ёшлар вазири ўртасида экотуризм соҳасидаги ҳаракатлар режаси.

Оммавий ахборот воситалари вакиллари билан учрашувда Ўзбекистон Республикаси Президенти Шавкат Мирзиёев ва Мўғулистон Президенти Ухнаагийн Хурэлсух ўтказилган музокара натижаларига доир фикрларини баён қилдилар.

Давлатимиз раҳбари ўз нутқининг бошида дўст Мўғулистон халқини яқинлашиб келатган миллий байрам — Халқ инқилоби куни билан самимий муборакбод этди.

— Мўғулистонлик дўстларимизнинг ижтимоий-иқтисодий ислохотларини амалга оширишдаги эътиборга лойиқ муваффақиятлари ва ютуқларидан чин дилдан хурсандимиз, сизнинг тинчликсевар ташқи сиёсатининг тўла қўллаб-қувватлашимиз, — деди мамлакатимиз етакчиси.

Бугунги кунда Мўғулистон иқтисодиёти барқарор юқори ўсish суръатларини кўрсатаятгани таъкидланди. Мамлакатда саноат тармоқлари, қишлоқ хўжалиги, инфратузилма модернизация қилинмоқда. Қорақурум шаҳрини кенг кўламли реконструкция қилиш ишлари бошланган. Изнач, прагматик ва фаол сиёсат туфайли мамлакатнинг халқаро нуфузи ошмоқда.

Ўзбекистон Президентининг Мўғулистонга илк таширифи икки мамлакат ўртасидаги дўстлик ва кўп қиррали ҳамкорлик муносабатлари ривожига тарихий воқеа бўлгани алоҳида қайд этилди.

Давлатимиз раҳбари таширининг асосий натижаларидан бири сифатида Ўзбекистон — Мўғулистон ҳамкорлигида янги босқични бошлаб берадиган муҳим ҳужжат — Кенг қамровли шериклик тўғрисидаги қўшма декларация имзоланганини таъкидлади.

Музокаралар давомида амалий ҳамкорлиқнинг барча асосий масалалари ва истиқболли йўналишлари атрофида кўриб чиқилган, келажакда мўлжалланган аниқ вазифа ва режалар белгилаб олингани айтилди.

2024 йилда Тошкентда бўлиб ўтган саммитдан сўнг барча йўналишларда алоқалар фаоллашгани қайд этилди. Жорий йил февраль ойида Ҳукуматлараро комиссиянинг биринчи йиғилиши самарали ўтказилди.

Бирлашган Миллатлар Ташкилоти, Шанхай ҳамкорлик ташкилоти ва бошқа кўп томонлама тузилмалар доирасида яқин ҳамкорлик ва ўзаро қўллаб-қувватлашни давом эттиришга келишиб олинди.

Ўзбекистон Президентининг сўзларига кўра, музокараларда асосий эътибор иқтисодий ҳамкорликка қаратилди. Яқин йилларда товар айирбошлаш ҳажмини, энг аввало, харидордир маҳсулотлар номенклатураси ва ҳажмини кенгайтириш орқали бир неча баробар ошириш вазифалари белгиланди.

Улан-Баторда кўргазма залига эга бўлган Ўзбекистон савдо уйи очилиши бу ишлар учун амалий асос бўлиши таъкидланди.

Ташириф арафасида Ўзбекистон ва Мўғулистон тадбиркорларининг бизнес форуми ва учрашувлари муваффақиятли ўтказилгани, янги шартнома ва битимлар имзолангани мамнуният билан қайд этилди. Давлат раҳбарлари бундан буён ҳам тадбиркорлик учун барча шароитларни яратиш ва уларнинг ишбилармонлик ташаббусларини ҳар томонлама қўллаб-қувватлашга келишиб олдилар.

Шу муносабат билан имтиёзли савдо ва инвестицияларни ўзаро ҳимоя қилиш тўғрисидаги битимларни энг қисқа муддатларда қабул қилишга келишилди.

Бундан ташқари, музокаралар чоғида икки мамлакат иқтисодиётлари бир-бирини самарали тўлдирishi мумкин бўлган тармоқларда саноат кооперациясининг аниқ йўналишлари белгилаб олинди.

Томонлар мунтазам равишда ўзаро концертлар, кўргазмалар, кино намоишлари уюштириш, фестивалларда иштирок этишга келишиб олдилар.

Эришилган келишувлар ва имзоланган битимларни ўз вақтида ва сифатли амалга ошириш учун икки мамлакат ҳукуматлари томонидан кенг қамровли “йўл харитаси” қабул қилиниши таъкидланди.

Сўзининг якунида давлатимиз раҳбари Мўғулистон Президентини расмий ташириф билан Ўзбекистонга келишга таклиф этганини маълум қилди.

Ўзбекистон Президенти Шавкат Мирзиёев ва Мўғулистон Президенти Ухнаагийн Хурэлсух рафиқалари билан биргаликда икки мамлакат санъат усталарининг концертида иштирок этдилар.

Бугун давлат раҳбарларининг иродаси ва сазй-ҳаракатлари туфайли халқларимиз янада яқинлашди, давлатлараро муносабатлар кенг қамровли шериклик даражасига кўтарилди.

Қўшма концерт Ўзбекистон — Мўғулистон дўстлиги ҳамда икки томонлама кўп қиррали муносабатларда янги босқич бошланганининг навабдаги ифодаси бўлди.

Истеъдодли санъаткорлар ижросидаги куй-қўшиқларда маданиятларимизнинг бойлиги, ранг-баранглиги ва ўзига хослиги мижасам бўлди.

Ўзбекистон Республикаси Президенти Шавкат Мирзиёевнинг Мўғулистонга давлат таширифи давом этмоқда.

БУГУНИДАН РОЗИ, ЭРТАСИДАН ХОТИРЖАМ ЯШАШ САОДАТИ



Шу йил 19-20 июнь кунлари давлатимиз раҳбари Қашқадарё вилоятига ташириф буюриб, бажарилган ишларни сарҳисоб қилди. Келгуси режалар, катта лойиҳаларга старт берди. Хўш, ушбу ўзгаришлардан кейин вилоят ахлининг кўнглидан қандай ўйлар кечмоқда? Умуман, ўтган қисқа даврда вилоятда аҳоли турмуш тарзи қанчалик ўзгарди? Шу каби саволларга жавоб топиш учун қашқадарёлик меҳнат фахрийси, “Дўстлик” ордени соҳиби, Ўзбекистонда хизмат кўрсатган ёшлар мураббийси Шодиёр ХУЖАНАЗАРОВга юзландик.

— Ёшим саксондан ошди. Эллик йилдирки, халқ орасидаман, — дейди Шодиёр бобо. — Сўнгги йилларда воҳа бутунлай янгиланди. Ҳар бир соҳада ўзгариш, янгиланишлар бир дақиқа бўлса-да, тўхтагани йўқ. Биргина мисол, мактабгача таълим йўналишини олинг. Жуда катта ўзгаришлар бўляпти. Таҳлилга кўра, 2017 йилда вилоятда бор-йўғи 326 та боғча бўлган. Қамрови атиги 13,1 фоиз эди. Бугун бу кўрсаткич 66 фоиздан ошди. Йил якунигача 72 фоизга етиши айтилмоқда. Ўтган қисқа вақтда эришилган бу натижа кескин ўсишидир.

Тараққиёт одимлари

ЯНГИ ЎЗБЕКИСТОННИНГ ИҚТИСОДИЙ-ИЖТИМОЙ САЛОҲИЯТИ

ЁХУД 2025 ЙИЛДАГИ ЎЗГАРИШЛАР КЎЛАМИГА НИГОҲ

Мамлакатимизда “Инсон кадрлари учун” тамойили асосида аҳоли фаровонлигини ошириш, жумладан, юртдошларимизга муносиб турмуш ва иш шароити яратиш, фарзандларимизнинг сифатли таълим ва тиббий хизматдан фойдаланишига эришиш, иқтисодий барқарорлиқни таъминлаш борасида катта ислохотлар амалга оширилмоқда. Айни мақсадда кейинги 7-8 йилда барча соҳа ва тармоқда кечган янгиланиш жараёни бугун қандай юксак самара бераётганини ақсариятимиз кўриб, ҳаётимиз мисолида сезиб турибмиз, албатта.

Айни пайтда янги Ўзбекистонни барпо этиш йўлидаги янгиланишлар, уларнинг йўналиши, мақсади, қамрови, жамиятимизга, давлатга манфаати кўпчиликка қизиқ, назаримда. Шу маънода, мамлакатимизда юрт тараққиёти ва аҳоли фаровонлигига бевосита таъсир кўрсатувчи йўналишлардаги баъзи ислохотларга тўхталиб ўтишни лозим топдик.

Биринчи йўналиш — коррупцияга қарши кураш. Президентимиз Коррупцияга қарши курашиш миллий кенгайтирилган йиғилишида ислохотлар ҳал қилувчи босқичга кираётган ҳозирги вақтда юртимизда коррупциядан холи муҳит яратиш бўйича ишларга баҳо бериб, келгуси вазифаларни аниқ белгилаб олиш зарурлигини таъкидлади.

